

諸史拾遺

諸史拾遺卷三

嘉定錢大昕

五代史

南平世家

建隆元季以疾卒 按保融官至守太傅兼中書令見

通鑑長編

乾德元季 是季十一月改元乾德實卽建隆四季也  
上文旣書建隆四季繼沖移鎮又在未改元之前不  
應更舉乾德之號

梁太祖使相二十七人 王審知威武節度使兼侍中韓  
遜朔方節度使兼中書令俱別

見

錢鏐 鎮海鎮東節度使吳越王加守中書令

馬殷 武安節度使加侍中兼中書令

劉隱 嶺南節度使兼中書令

符道昭 秦州節度使平章事

馬寶 通鑑乾化元年以朗州畱後馬寶爲永順節

度使同平章事

葉廣略 嶺南鹵道節度使

龐巨昭 寧遠節度使

楊師厚 宣義節度使兼中書令

王景仁 寧國節度使平章事

牛存節 忠武節度使平章事

成汭 荆南節度使守中書令

張廣霸

卽張歸霸

河陽節度使

高萬興 保塞節度使

張全義 河南尹兼中書令

李瓊 馬殷將靜江節度使平章事通鑑開平二年

靜江節度使同平章事李瓊卒

王鎔 武順節度使

羅紹威 天雄節度使兼中書令

王重師 佑國節度使平章事

馮行襲 匡國節度使

張佖 馬殷將永順節度使

王檀 保義節度使

劉知俊 忠武節度使兼侍中

李思諫 定難節度使

劉守光 盧龍節度使同平章事加兼中書令

劉守文 義昌節度使加中書令

李知福

一作仁福

定難節度使加平章事

高季昌

荆南節度使

末帝使相三十二人錢傳瓘清海節度使兼侍中別見

錢鏐

馬殷

張全義 河南尹

馬寶

葉全略

龐巨昭

楊師厚 天雄節度使加兼中書令

牛存節 天平節度使平章事

王檀 天平節度使兼中書令

劉巖 青海節度使兼中書令

張歸霸 河陽節度使

高萬興 新武保大節度使兼中書令

朱文課

一作友謙

河中節度使加中書令

劉鄩 宣義節度使平章事又以泰寧節度使平章事

高季興 荆南節度使守中書令

王審知 威武節度使兼中書令

溫韜 靜勝節度使加平章事

葛從周 昭義節度使兼侍中

賀德倫

天雄節度使

錢傳璟

湖州刺史領寧國軍節度使平章事

賀瓌

宣義節度使平章事

孔勅

山南東道節度使平章事

張萬進

平盧節度使徙泰寧平章事

尹皓

感化節度使平章事

李繼韜

匪義

即昭義

節度使平章事

馬綽

鎮東軍節度使行軍司馬吳越大將貞明中

授雄武節度使平章事

杜建徽

吳越左丞相領涇原節度使平章事



袁象先 侍衛親軍都指揮使領鎮南節度使平章

事

李仁福

康懷英 永平節度使平章事

韓洙 朔方節度使平章事

曲美 靜海節度使平章事

唐莊宗使相三十二人 李繼昭茂貞子彰義節度使加中書令錢元瓘兩浙兵馬畱後

清海節度使兼侍中進兼中書令王都義武節度使兼侍中俱別見

李茂正 秦王守尙書令鳳翔節度使

錢鏐 尙父守尙書令

馬殷 武安節度使中書令兼尙書令

張全義 忠武節度使尙書令守中書令

王審知 威武節度使守中書令

高萬興 通鑑同光三年彰武係大節度使兼中書令高萬興卒

馬存 殷弟寧遠節度使兼侍中

馬寶 靜江節度使兼中書令

錢元璪 鎮東節度副大使建武節度使守侍中兼

中書令

錢元球 吳越馬步統軍使靜海節度使守侍中兼

尚書令

馬希振 殷子武順節度使兼侍中

李仁福 定難節度使兼中書令

韓洙 朔方節度使兼侍中

高季興 荆南節度使守中書令

朱友謙 一作文謙 河中節度使兼尚書令賜名李繼麟

丁會 澤潞節度使

李儼 當是李儼即李從儼也 鳳翔節度使兼中書令

孔勅 山南東道節度使平章事

袁象先 宣武節度使賜名李紹安

符習 徙平盧節度使安國節度使平章事

溫韜 匡國節度使平章事賜名李紹冲

朱令德 口口節度使平章事

符存心一作存審 盧龍節度使兼中書令

魏王繼岌 東京畱守平章事

李存渥 義成節度使平章事

李存璋

李存霸 振武節度使平章事移澤潞天平河中

郭崇韜 樞密使領成德節度使守侍中

孟知祥 西川節度使平章事

元行欽 歸德節度使加平章事賜名李紹榮

夏魯奇 河陽節度使賜名李紹奇據薛史魯奇於長興元年鎮遂

州始加平章事

錢元瓚

明宗使相三十八人今闕其一蓋晚王晏球一人也錢

之數又馬希聲武安節度使兼侍中加中書令錢元  
確鎮海鎮東節度使兼中書令加尚書令王延翰  
武節度使加平章事王延鈞福  
建節度使守中書令俱別見

孟知祥 西川節度使兼侍中進兼中書令

李仁福 兼中書令

李儼即李從囑也天成元年加從字 鳳翔節度使兼中書令

馬寶 靜江節度使兼中書令

馬希振 昭信節度使兼侍中

符習 平盧節度使兼侍中 一作宣武節度使兼侍中

朱守殷 宣武節度使加兼侍中河南尹平章事

安元信 武寧節度使平章事 一作山南東道節度使

毛章 昭義節度使邠州節度使平章事

霍彥威 天平節度使兼侍中移平盧加兼中書令

安金全 振武節度使平章事

錢元璪 中吳節度使兼中書令

錢元球 靜海節度使兼侍中

趙德均 盧龍節度使平章事加兼侍中進兼中書令

孔勅 澤潞節度使平章事加兼侍中

高季興 荆南節度使兼尙書令

夏魯奇 武信節度使平章事

魯文

盧文進 義成節度平章事

安重誨 樞密使兼侍中加中書令

孔循 樞密使東都留守平章事復出爲忠武節度

使

房知溫 秦寧節度使平章事加兼侍中進兼中書令

王建立 成德節度使平章事入相復出爲平盧節度使平章事

王都 義武節度使兼中書令

王延稟 威武軍節度副使平章事一佺奉國節度使知建州兼中書令一云遷奉國節度使兼侍中進兼中書令

范延光 樞密使平章事加兼侍中

趙鳳 安國節度使平章事

趙延壽 樞密使平章事加兼侍中



馬希範

武安節度使兼侍中加中書令

高從誨

忠義節度使平章事

馮贇

授荆南節度使兼侍中加兼中書令長興四

年以三司使加同中書門下二品

馬希杲

姚元素

康義誠

河陽節度使兼侍衛親軍馬步都指揮使

平章事

張虔釗

山南西道節度使平章事

錢元璿

清海節度使平章事

朱因昭 長興四季以樞密使加平章事

張延朗 三司使

王晏球 鄆州節度使兼侍中一作天平節度使兼侍中

曹義金 沙州節度使兼中書令

閔帝使相二十三人少一人錢元珣順化節度使平章事別見

王思同 鹵都畱守平章事

安元信

馬希杲

王建立

范延光 成德節度使兼侍中改天雄

李從曠

趙德均

盧龍節度使兼中書令

房知溫

平盧節度使兼中書令

馬希振

馬希範

湖南節度使兼中書令

趙延壽

宣武節度使兼侍中

高從誨

荆南節度使兼中書令

錢元球

馮贇

樞密使兼侍中加兼中書令

安彥威

護國節度使

盧文進 潞州節度使平章事

康義誠 河陽節度使兼侍衛都指揮使兼侍中

朱<sup>因</sup>昭 樞密使加兼中書令

馬<sup>虔</sup>錄即張虔釗 山南西道節度使平章事

姚彥章 湖南左丞相彥章蓋馬氏大將通鑑乾化

元年以靜江行軍司馬姚彥章爲寧遠節度副使

權知客州從楚王之請也三年除寧遠節度使

張延朗

錢元璵

末帝使相二十二人趙延壽樞密使忠武節度使兼侍中別見

言史補遺卷三  
十一  
安元信 昭義節度使兼侍中

趙在禮 山南東道節度使平章事

馬希杲 靜江節度使平章事

盧文進 安遠節度使平章事

張延朗 雄武節度使

王建立 天平節度使兼侍中

馮道 匡國節度使平章事

范延光 天雄節度使兼侍中入爲樞密使又出爲

宣武節度使加中書令

李從曠 鳳翔節度使

趙德均

盧龍節度使兼中書令

房知溫

平盧節度使

馬希振

鎮南節度使兼中書令

姚彥章

順義節度使兼侍中

馬存

寧遠節度使兼侍中

韓昭允

樞密使平章事出爲護國節度使

李周

宣武節度使平章事

鮑君福

一作君禮

保順節度使平章事

高從誨

馬希範

錢元璩

錢元球

薛史作錄又或作球誤

靜海節度使兼中書令

一作上客

馬步軍都指揮使兼中書令

錢元璿

晉高祖使相二十三人

錢元懿卽元璿清海節度使兼中書令別見

馬希範

湖南節度使兼中書令

王建立

天平節度使兼侍中進兼中書令

張延光

卽范延光

天雄節度使

李周

靜難節度使西京畱守兼侍中

李從曜

鳳翔節度使兼中書令

高行周 昭義節度使平章事

李從溫 泰寧節度使兼侍中

趙在禮 歸德節度使平章事加兼侍中

安從進 山南東道節度使平章事

杜重威 天福四年以忠武節度使加平章事七年

爲順國節度使兼侍中

侯益 天福四年除武寧節度使平章事

楊光遠 宣武節度使兼侍中加兼中書令

安審琦 天平節度使平章事

安彥威 北都畱守平章事徙歸德加兼侍中



馬希杲

靜江節度使兼侍中

安叔千

李德珣

北都畱守改鄴都畱守建雄節度使平章

事

杜仁淦

吳越將有寧國節度使同平章事仰仁佺未知卽一人否

陸仁璋

武信節度使平章事

桑維翰

彰德節度使兼侍中

鮑君福

保順節度使兼侍中判湖州諸軍事

劉景嚴

馬全節

安國節度使平章事

少帝使相二十八人

少一人蓋脫護國節度使鳳翔節度使平章事侯益也安彥威宋州

節度使兼中書令李宏達福建節度使平章事俱別見

高從誨 荆南節度使兼尚書令

馬希範 湖南節度使守尚書令兼中書令

錢宏佐 吳越國王兼中書令

王曦 威武節度使兼中書令

朱文進 威武節度使加平章事

李守正 泰寧節度使平章事移天平加兼侍中

石贊 保義節度使

楊光遠 平盧節度使

杜重威 天雄節度使兼中書令

李從溫 武寧節度使兼中書令

李周 東京畱守

景延廣 侍衛馬步都指揮使同平章事出爲西京

畱守兼侍中

桑維翰 晉昌節度使兼侍中

張從恩 鄴都畱守加平章事

安叔千 建雄節度使平章事

馮道 匡國節度使兼侍中

趙瑩 晉昌節度使兼中書令

李彝殷 定難節度使平章事

符彥卿 武寧節度使平章事

皇甫遇 義成節度使平章事

高行周 歸德節度使兼侍中進兼中書令

趙在禮 武寧節度使晉昌節度使兼侍中

李德珣 東京留守

安審琦 忠武節度使平章事

馬全節 義武節度使改鄴都留守兼侍中

安審信 泰寧節度使

劉景耀

漢高祖使相二十人

高從誨

馬希廣

武安節度使兼中書令

錢宏保

鎮海鎮東節度使兼侍中加兼中書令

杜重威

高行周

歸德節度使兼中書令

劉信

侍衛馬步副都指揮使領忠武節度使平章

事

李守正

護國節度使兼中書令

符彥卿

改泰寧節度使加兼侍中

安審琦 山南東道節度使兼侍中

侯諝 鳳翔節度使加兼侍中

劉崇 河南節度使平章事

王周 武寧節度使平章事

李從敏 西京畱守平章事

劉銖 平盧節度使平章事

白文珂 天平節度使平章事

史[圖]肇 侍衛馬步都指揮使領歸德節度使加平

章事

慕容彥超 天平節度使平章事

安叔千

李彝殷 定難節度使兼侍中

馮暉 朔方節度使平章事

隱帝使相三十三人

高從誨

馬希廣 武安節度使守中書令

錢宏侖 兩浙節度使兼中書令

錢宏俶 鎮海鎮東節度使兼侍中尋進兼中書令

一佺兩浙節度使兼侍中進  
兼中書令又加守尚書令

高保融 荆南節度使乾祐元年加平章事二年加

兼侍中

高行周 天雄節度使

李守正 護國節度使兼中書令

符彥卿 改平盧節度使加兼中書令

馮暉 朔方節度使兼侍中乾祐二年兼中書令

安審琦 山南東道節度使兼中書令

侯益 乾祐元年以開封尹兼中書令

李從敏 西京畱守兼侍中

劉崇 河東節度使兼侍中乾祐二年加兼中書令

劉銖 乾祐二年以平盧節度使兼侍中



白文珂 保義節度使平章事改西京留守兼侍中

史宏肇 乾祐元年加兼侍中二年加兼中書令

劉信 忠武節度使兼侍中

慕容彥超 乾祐二年以天平節度使兼侍中

李彝殷 定難節度使乾祐二年兼中書令

常思 昭義節度使平章事

王景 乾祐初以橫海節度使加平章事

武行德 河陽節度使加平章事

侯章 鎮國節度使平章事

王晏 建雄節度使平章事

張彥威 匪國節度使平章事

王章 乾祐元季以三司使加平章事

趙暉 乾祐三季以鳳翔節度使加侍中

一作陝州節度使平

章事

高允權 彰武節度使平章事

郭從義 乾祐二季永興節度使加平章事

劉贊 乾祐二季武寧節度使加平章事

史匡懿 涇州節度使平章事

王守恩 鹵京畱守加平章事

孫方諫 乾祐二季義武節度使加平章事

周太祖使相四十二人

王饒華州節度使平章事別見

高保融 荆南節度使

錢宏俶

高行周 天平節度使兼中書令進尚書令

安審琦 山南東道節度使兼中書令

符彥卿 鄆州節度使兼中書令改天雄節度使

李彝殷 定難節度使

馮暉 朔方節度使

王峻 樞密使平盧節度使平章事

李洪義 歸德節度使加平章事

白文珂 鹵京畱守兼中書令

慕容彥超 泰寧節度使兼中書令

趙暉 鳳翔節度使兼中書令

高允權 彰武節度使兼侍中

侯益 開封尹顯德元季致仕

武行德 成德節度使加兼侍中

王晏 建雄節度使加兼侍中

張彥威改名彥成 相州節度使兼侍中

常思 歸德節度使兼侍中

侯章 邠州節度使加兼侍中

史匡懿 涇州節度使兼侍中

李崇敏

薛懷讓 同州節度使加平章事

王繼宏 貝州節度使平章事

王景 橫海節度使加兼侍中

郭從義 永興節度使加兼侍中移鎮許州

孫方諫 義武節度使

王守恩

李暉 滄州節度使

扈彥珂 護國節度使加平章事移滑州

折從阮 鄧州節度使平章事

劉訓

恐是河陽節度使劉詞一  
倫安國節度使平章事

郭勛 天德節度使平章事

楊信

本名承信

邠州節度使加平章事

何福進 天平節度使平章事

李洪信 保義節度使加平章事

劉言 武平節度使平章事廣順三年

郭崇 鎮寧節度使加平章事

李筠 昭義節度使平章事

鄭仁誨 樞密使平章事顯德元年

曹英 侍衛步軍都指揮使除成德節度使平章事

王彥超 河中節度使加平章事

王逵 武平節度使兼侍中

世宗使相三十五人

曹元忠沙州節度使平章事劉仁  
驍天平節度使兼中書令俱別見

高保融 荆南節度使守中書令

錢宏俶

王饒 貝州節度使兼侍中改相州

李彝殷

安審琦 山南東道節度使兼中書令移平盧節度

使六季卒

符彥卿 天雄節度使

白文珂

李從義 安州節度使加兼侍中徙平盧節度使

趙暉

武行德 武寧節度使鹵京畱守兼中書令

王晏 武寧節度使加兼中書令徙鹵京畱守

侯章 武勝一作鄧州節度使加兼中書令

王繼宏

王景 護國節度使加兼中書令

郭從義 移鎮天平加兼中書令



孫方諫 同州節度使兼中書令

王守恩

李暉 滄州節度使兼侍中

扈彥珂 左衛上將軍顯德三年致仕

折從阮 靜難節度使兼侍中

劉詞 永興節度使兼侍中

郭勛 天德節度使兼侍中

李洪信 左驍衛上將軍四年

楊信 忠正節度使平章事

鄭仁誨 樞密使加兼侍中元年

曹英 成德節度使兼侍中

郭崇 成德節度使

王彥超 忠武節度使加兼侍中改永興

李筠 昭義節度使兼侍中

王逵 武平節度使兼中書令

周行逢 武平節度使兼侍中

李重進 歸德節度使平章事加兼侍中

向訓 武寧節度使加平章事移山南東道

韓通 侍衛親軍副都指揮使領歸德節度使平章

事六季

張承德

殿前都點檢除鎮寧節度使平章事六季

大將六人

今上

殿前都點檢

李重進

侍衛親軍都指揮使領淮南節度使

張承德

殿前都點檢

韓通

韓令坤

侍衛馬軍都指揮使領鎮安節度使

袁彥

一作秀

通鑑顯德六季有步軍都指揮使袁彥

領彰信節度使

恭帝使相二

人

高保融

荆南節度使守中書令

錢宏俶

守尚書令兼中書令

符彥卿

天雄節度使兼中書令

武行德

鄆州節度使兼中書令

王晏

王景

秦州節度使

雄武

守中書令

郭從義

武寧節度使兼中書令

向拱

即向訓

改鹵京畱守兼侍中

李洪信

郭崇

鳳翔節度使兼侍中

王彥超 鳳翔節度使

李筠 昭義節度使兼侍中

李重進 淮南節度使兼侍中

李彝殷 定難節度使兼中書令

周行逢 武平節度使兼侍中

楊信 壽州節度使平章事

韓通 侍衛親軍副都指揮使天平節度使平章事

張永德 忠武節度使

李洪義 永興節度使兼侍中

侯章 武勝節度使

大將七人

今上

張鐸

後改名  
令鐸

侍衛親軍步軍都指揮使領武信節

度使

李重進

韓通

韓令坤

侍衛馬步軍都虞候

石守信

殿前都指揮使領義成節度使

高懷德

侍衛馬軍都指揮使領江寧節度使

諸史拾遺卷四

嘉定錢大昕

宋史

神宗紀

神宗紹天法古通德建功英文烈武欽仁聖孝皇帝

案元豐八年九月上大行皇帝諡曰英文烈武聖孝  
紹聖二年九月加上諡曰紹天法古通德建功英文  
烈武欽仁聖孝崇寧三年十一月夏上諡曰體元顯  
道帝德王功英文烈武欽仁聖孝政和三年十一月  
加上諡曰體元顯道法古立憲帝德王功英文烈武

欽仁聖孝是神宗諡凡四改此紀所書者紹聖二季所上而東都事略及歷代紀年所書者乃崇寧三季所上也東都事略則云紹聖二季加諡紹天法古運德建功欽仁崇寧三季加諡紹天法古運德建功欽仁聖孝政和三季改上諡曰體元顯道帝文烈武欽仁聖孝政和三季改上諡曰體元顯道帝德王功英文烈武欽仁聖孝而無法古立憲四字歷代紀年則以體元顯道十六字爲崇寧所定而不載政和之加諡與紀皆不合竊意太祖太宗開創之主諡止十六字而政和加神宗諡至廿字似非情理又王侁鼂公邁皆南宋初人所書不應有誤且諡號當



以後定者爲正而此紀獨否於史例侶亦疎然攷  
珂媿鄰錄謂崇寧政和開始用繼述友恭之論屢定  
徽稱神宗凡一改再增而溢於祖宗者四字是神宗  
實有廿字之謚紀止書十六字殆史臣之微文乎

熙寧元年三月庚辰夏主諒祚卒遣使來告哀 案夏  
國傳諒祚以神宗卽位之十二月殂又云秉常治平  
四年冬卽位則諒實以治平四年殂紀所書者赴告  
之日巨萬斯同趙駿烈紀元彙攷據此謂諒祚改元  
拱化有六年與夏國傳拱化五年之文自相違異蓋  
攷之未審矣

徽宗紀

宣和三季三月金人再遣寧朮割等來 金史佖銀朮  
可

高宗紀

紹興二十一年十二月金遣兀朮魯定方等來賀明季  
正旦 金史佖孛朮魯阿海孛之爲兀朮之譌也定  
方卽阿海一人而二名如宗弼宗翰之類金史書其  
本名宋史書其漢名後仿此

二十三年五月金遣佖后烈大雅來賀天申節 金史  
佖后烈大雅合輦

二十七年十二月金遣高思廉等來賀明年正旦 金  
史佺高助不古

三十一年十二月金遣僕散德等來賀明年正旦 金史  
佺僕散烏者

孝宗紀

乾道四年十二月金遣完顏仲仁等來賀明年正旦  
金史佺宗室闢合上

六年十月金遣耶律子敬來賀會慶節 金史佺移刺  
子敬福刺即耶律

十二月金遣蒲察鳳等來賀明年正旦 金史佺蒲察

速越

澤熙二年十月金遣完顏禧等來賀會慶節 金史佺

完顏王祥

十二月金遣完顏迨等來賀明季正旦 金史佺宗室

靖

四年十月金遣完顏忠等來賀會慶節 金史佺完顏

習泥烈

十二月金遣完顏炳等來賀明季正旦 金史佺完顏

蒲刺觀

五年十二月金遣烏延察等來賀明季正旦 金史佺

烏延查刺

八季十月金遣完顏實等來賀會慶節 金史佺宗室

胡什賚

九季十月金遣完顏宗回等來賀會慶節 金史佺宗

室禪赤

十三季十月金遣完顏老等來賀會慶節 金史佺宗

浩

十六季八月金遣溫迪罕肅等來賀卽位 金史佺溫

迪罕速可

寧宗紀

紹熙五年閏月金遣使弔祭 正使尼龐古鑑

十二月金遣使賀登位 正使王毅 又遣使賀明年

正旦 正使移刺敏

慶元元年十二月金遣紇石烈正來賀明年正旦 金

史佺紇石烈貞

嘉泰元年十二月金遣紇石烈真來賀明年正旦 金

史佺紇石烈七斤

三季十月金遣完顏奕來賀瑞慶節 金史佺承暉

嘉定八年十月金遣使來賀瑞慶節 正使把胡魯

十二月金遣使來賀明年正旦 正使蒲察五斤

九季十月金遣使來賀瑞慶節 正使完顏奴婢

十二月金遣使來賀明季正旦 正使內族和尚

理宗紀

淳祐十一季十一月京湖制司表都統高達等復襄樊

案紀於端平三季失襄陽之後至此始書復襄樊

元大一統志亦云端平丙申襄陽失守淳祐辛亥高達復襄而元史太宗紀乃云

戊戌歲即嘉熙二季襄陽別將劉義叛執游顯等降宋宋

兵復取襄樊孟珙傳亦云嘉熙三季正月劉全復樊

城遂復襄陽雖有一季之差然較之高達復襄樊之

歲相去至十二三季意者嘉熙既復之後仍不能守

至高達再取始克有之故紀略而不言乎元史憲宗紀不載高達取襄樊事蓋自劉義降宋後元人棄而不有宋亦不立鎮戍至淳祐辛亥始復屯駐重兵非以兵力取之也

瀛國公紀

德祐元季五月加婺州處士何基謚文定王柏承事郎案承事郎下當有謚文憲三字史脫之也兩人賜謚出于國子祭酒楊文仲之請不應有書有不書且度宗紀于景定五季曾書命何基徐幾兼崇政殿說書矣基雖辭不受職亦嘗除承務郎矣今皆不書而



但書處士則柏亦處士也承事郎之贈當載于本傳而反不書詳略皆無當矣若以史法言之諸臣贈諡皆當入本傳若登諸帝紀重複非體且有載不載又難免挂一漏百之議

地理志一

隨州 棗陽 據王象之輿地紀云嘉定十二季嘗升爲軍此失書

金州 宋南渡後與金講和畫淮爲界京西路惟存襄陽隨金均房光化信陽秦鳳路惟存階成鳳西和州京西不復置司但遙領於湖北路故有京湖路之

稱金階成鳳西和則又改屬於利州路志但當於此  
金州下及秦鳳路之階成鳳三州下各增一句云南  
渡改隸利州路又於岷州下增一句云南渡改名西  
和隸利州路斯明白矣今志金州已見京西南路階  
成鳳岷四州已見秦鳳路而又載於利州路不惟重  
複亦乖史法

地理志四

通州 九域志天聖元季改崇州明道二年復舊史失  
書改名一節攷天聖初劉太后臨朝適其父名凡通  
字皆以它字易之志所載通利軍改爲安利亦其一

道

三州皆旁通溪洞 案荆湖路所屬羈縻州三十有八其名具載九域志史何以闕之

地理志五

夔州初置在白帝城景德三年徙城南 案劉攽撰薛顏神道碑云爲夔峽路轉運使復夔州於舊城民皆去險阨就平地居卽此事也

地理志六

梅州本潮州程鄉縣南漢置恭州開寶四年改 九域志云梅州僞漢敬州輿地紀勝云僞漢劉氏割潮州

之程鄉縣置敬州皇朝以敬州犯翼祖諱改名梅州此爲得之若本名恭州則無庸改矣此志作恭乃當時史臣回避後來失於改正耳

靜江府 義寧本義寧鎮馬氏奏置開寶五年廢入廣

州新會六年復置

九域志與此同

馮氏集梧曰桂州在廣

州南北千數百里義寧又在桂州南不得省入廣州也攷廣州別有義寧縣後改爲信安又改隸新州是廣州之義寧與桂州無與也當因縣名偶同據廣州之文誤入耳宋避太宗名當時地名有義字者多所更革而此縣仍爲義寧當亦如婺州義烏武義之

縣鎮戎軍張義之堡避之容有未盡爾大昕案張義  
堡熙寧五年所置其時固不避義字婺州在吳越管  
內當太平興國元年吳越猶未納土故不在改避之  
數也大金集禮引宋國史太宗本名光義太平興國  
二年春二月詔曰制名之訓典經攸載矧乃膺期纂  
極長世御邦思稽古以酌中貴難知而易避朕改名  
吳除已改州縣職官人名外舊名二字不須回避

禮志十

吏部員外郎董棻言 棻當佗舛

禮志十五

十二月二十四日降延恩殿 十二月當作十月

藝文志

城塚記一卷案序魏文帝三季劉裕得此記 案劉裕與魏文帝不同時當有然誤

后妃傳

慈聖光獻曹皇后 慶歷八年閏正月帝將以望夕再張燈后諫止後三日衛卒數人作亂 案仁宗紀閏月辛酉親從官顏秀等四人夜入禁中謀爲變宿衛兵捕殺之卽其事也是月庚子朔辛酉乃月之廿二日距望不止三日矣

宗室傳

希懌 移知平江府 案吳郡志牧守題名趙希懌朝奉郎龍圖閣待制嘉定三年四月到四年八月除煥章閣直學士依舊知平江府五年正月磨勘轉朝散郎當奉正月除顯謨閣學士差知太平州傳不書除待制及再除直學士皆闕略也

不尤 子善悉進士登第累官敷文閣直學士兩浙轉運副使 案葉適有中大夫直敷文閣兩浙運副趙公墓誌云名善悉字壽卿卽其人也悉蓋悉之譌其官直閣非直學士傳誤

彥倅 遷顯謨閣知太平州 案葉適撰墓誌彥倅任  
湖南運判日以降羅益傳功進直祕閣入爲考功郎  
改浙東提刑已乃陞寶謨閣知紹興府改徽猷閣再  
任旋入爲太府少卿然不樂居中暫入卽求還以顯  
謨閣知太平州傳於湖南運判下卽云尋知紹興府  
不書直祕閣則遷顯謨閣之語不可通矣諸閣有學  
士直學士待制直閣四等但云某閣安知其爲何職  
乎

調江西轉運使嘉定十一年卒於官 案墓誌彥倅自  
江西移漕福建嘉定十一年十月疾卒於建安傳失



載移福建一節似卒於江西矣

彥櫛 知平江府 案吳郡志彥櫛官朝散大夫集英殿修撰嘉定十季六月五日到十一季七月除寶謨閣待制致仕傳失書除集英院修撰事傳稱轉寶謨閣待制率於官志但書致仕者蓋致仕之命方下猶未離任也

### 公主傳

哲宗女秦國康懿長公主 出降潘正夫改淑慎帝姬靖康末與賢德懿行大長公主俱以先朝女畱於汴案傳云賢德懿行大長公主者卽秦魯國大長公

主也彼傳政和三季夏封令德景行大長帝姬靖康  
二季諸帝姬北徙姬以先朝女金人不知畱於汴敘  
事同而封號異必有一誤又英宗女韓魏國大長公  
主傳云政和三季改賢德懿行帝姬宣和五季歿是  
靖康之難主已先歿益可證康懿傳之謬矣王明清  
揮塵後錄以賢德懿行爲英宗女王王師約室之謚據  
史主卒於元豐八季諡曰惠和恐王氏誤記不足據  
楊克讓傳

漢乾祐中本府節度張彥成表授掌書記周廣順初彥  
成移鎮安陽穰下克讓以舊職從行彥成入爲執金

吾奏稱其材可用 安陽穰下古地名執金吾古官  
名皆不宜施於五代

張鼎之傳

父祕自有傳 宋史述南渡七朝事叢冗無法不如前  
九朝之完善寧宗以後四朝更不如高孝光三朝之  
詳蓋由史臣迫於期限艸艸收局未及討論潤色之  
故如此云父祕自有傳而史別無祕傳是本擬立傳  
而未及爲可證其潦艸塞責不全不備也

呂誨傳

由屯田員外郎爲殿中侍御史 案誨卒於未改官制

以前傳所書寄祿官甚略唯載仁宗時屯田員外郎  
治平二年遷兵部員外郎濮議起下遷工部員外郎  
知蘄州三官而已攷溫公所撰誨墓誌云英宗卽位  
改起居舍人同知諫院頃之以兵部員外郎兼侍御  
史知雜事又以本官出知蘄州今上卽位召爲刑部  
郎中充鹽鐵副使遷諫議大夫權御史中丞史蓋失  
書起居舍人刑部郎中諫議大夫三官也誌中不言  
曾爲屯田員外郎而出知蘄州時仍帶本官未嘗下  
遷工部則史之失也諫議例分左右誨誌題右諫議  
大夫皆可補本傳之闕

高化傳

爲鄜延路馬步軍副都總管 癸宋初武臣領兵在外  
者曰都部署曰副都部署曰部署英宗卽位始避諱  
改部署爲總管史於仁宗朝諸臣如此傳爲鄜延路  
馬步軍副都總管降滑州總管改真定路副都總管  
周美傳加本路鈐轄遂爲副總管鄜延副都總管孟  
[元]傳爲高陽關馬步軍總管并代路副都總管大名  
府路副都總管劉謙傳環慶路馬步軍總管涇原路  
總管趙振傳本路馬步軍副總管擢鄜延路副都總  
管并代路兵馬鈐轄就遷副總管張忠傳徙澶州總

管范恪傳總管杜惟序權秦鳳路兵馬總管永興軍  
副都總管馬懷德傳徙鄜延路副都總管大石府路  
總管鄜延路副都總管安俊傳徙秦鳳路總管環慶  
路副總管向寶傳歷眞定鄜延副總管石晉傳徙定  
州路副都總管永興軍副都總管徙爲葭州總管遷  
翼州團練使徙本州總管向敏中爲鄜延路都總管  
以替副之改鎮州路總管張洎傳拜并代副總管許  
懷德傳遷副總管本路副都總管徙秦鳳路副都總  
管張亢傳徙并代副都總管復副都總管復爲涇原  
路總管眞定府路副都總管改河陽總管劉平傳徙

環慶路副都總管徙涪州副都總管改高陽關副總  
管環慶路馬步軍副總管邠延路副總管任福傳擢  
秦鳳路馬步軍副總管邠延路副總管環慶路副總  
管王仲寶傳爲涇原路總管徙環慶路副都總管徙  
澶州副總管景泰傳徙秦鳳路馬步軍總管王信傳  
就遷馬步軍都總管明鎬奏爲貝州城下都總管張  
忠傳陝西總管司指使盧鑑傳與總管王榮賁走之  
王果傳權秦鳳路兵馬總管田敏傳充鎮定路總管  
後爲環慶路都總管涇原路總管復爲環慶路都總  
管康德興傳與馬步軍副總管王元徙真定府定州

路總管皆依後來避諱之稱

張忠傳

遂中標鎗死焉 長編是歲八月贈張忠爲感德軍節  
度使本傳失書

王安后傳

元祐元季辛酉六十八 王明清揮塵錄言國朝名公  
多忌於六十六介甫亦其一也吳曾能改齋漫錄謂  
介甫以辛酉十一月十二日生李壁亦言介甫生於  
天禧五季辛酉自天禧辛酉至元祐元季丙寅實六  
十六非六十八也長編載安后移書呂惠卿曰毋使



齊季知馮京與安石俱生辛酉故僞爲齊季尤爲明證

閣詢傳

使契丹詢頗諳北方疆理時契丹在鞞淀逗者王惠導詢由松亭往詢曰此松亭路也胡不經蔥嶺而迂枉若是豈非誇大國地廣以相欺耶惠慚不能對此依傍剽敝事而附會之也攷敝奉使在至和二季而詢奉使在嘉祐五季相隔僅六季卽使詢有此語亦是襲取敝意況蔥嶺在西域與遼上京遠不相涉尤不足信

范祖禹傳

又徙賓化而卒年五十八 案祖禹諡正獻見魏鶴山  
集及困學紀聞據兩朝綱目備要在寧宗時

王漢之傳

爲鴻臚丞知直州 直當佗真

徽宗悅以知定州久之徙江寧 案程俱北山小集有  
漢之行狀云政和元年以顯譚閣直學士知定州明  
季落職提舉杭州洞霄宮後二年復顯譚閣直學士  
知濠州八年引疾乞歸復提舉洞霄宮重和元年起  
知江寧府蓋中間兩奉祠一知濠州非自定州徙江

寧也

加龍圖閣直學士 直字衍漢之知濠州時已除直學士矣至是竟除學士非直學士也

王渙之傳

張商英相爲給事中吏部侍郎商英去亦出守越 案程俱撰渙之墓誌云政和元季以顯譚閣待制出知壽州言者以故相商英黨不宜守郡削職提舉舒州萬壽宮五季復寶文閣待制提舉江州太平觀六季起知滁州重和元季移知潭州居數月移中山府是渙之未嘗守越而史所失載正多也

龔昌傳

建炎四年始贈觀文殿大學士諡曰忠愍 揮塵錄作  
恭愍陳郁話腴作榮愍

李熙靖傳

李熙靖字子安 此靖字一本作靜案第二百十二忠  
義傳又附李熙靖亦重複也

程振傳

字伯起 汪藻撰神道碑云字伯玉

陳康伯傳

安節賜同進士出身五辭不受 安節官至湖北提舉

直祕閣又康伯孫景思字思誠嘗爲兩浙運副奏事  
言鎮江府折羅虛額當罷紹興府和買額重當減夫  
國之根本在州縣州縣根本在民欲裕民力當寬州  
縣今猥云裕民而急州縣若星火是誨其病民非裕  
之也聞禮議用兵景思爲兵部侍郎言財窘兵窮貪  
將朘剝外約難信內心弗齊且辛巳之役只勞師一  
頃傾倒經費遺患至今征伐重事也後不可悔悔而  
復和恥益甚爾何報之有韓侂冑與景思有親冀其  
助已至是大怒令提舉王局觀終於直煥章閣見某  
適所撰墓誌

施師點傳

上饒人 葉適換墓誌云信州玉山人

入季兼權禮部侍郎 案師點以陳康伯薦召對除正  
字轉校書郎奉祠起知筠州丁憂服除知池州人奏  
除祕書丞考功郎官國子司業祕書少監兼左諭德  
中書舍人兼右庶子升祕書監兼左庶子乃權禮部  
侍郎傳皆失書

黃度傳 周南附

開禧三季召試館職南對策詆權要言者劾南罷之  
案葉適撰南墓誌云除正字母卒後再除正字御史

劾嘗以田賂蘇師旦遽罷傳不云除正字則所罷者何官乎且開禧三季所詆權要乃韓侂冑也及持服後再除以賂蘇師旦被劾則史彌遠當國矣豈尙以前對策爲嫌耶史之不足信如此

任希夷傳

四世祖伯雨爲諫議大夫 案伯雨傳父攷字遵聖其

弟攸

今本作汲誤

字師中當時稱大任小任施元之注東

坡任師中挽詞云大任忠敬公之父忠敬公卽伯雨也施元之以希夷爲師中曾孫則伯雨乃從祖非四世祖也傳恐誤

開禧初主太常寺簿 案施元之注蘇詩云希夷今爲  
將佺少監太子侍讀傳不載此兩任

王栢傳

王栢字汝忠大名人 案同時又有王栢字木叔溫州  
人官至祕書少監

李祥傳

時姚憲尹臨安俾攝錄參邏者以巧發爲能每事下有  
司必監視鍛鍊囚服乃已 案此傳皆采葉適所撰  
墓誌之文誌云皇城司妄告密威脇吏成其罪本謂  
皇城司告人罪詔下有司鞫問使證成之今改作邏



者則似臨安自有邏者與下文恐逆上命之意不合  
矣錄參者錄事參軍也

### 劉應龍傳

應龍朝受命帝夜出象簡書疏臺授應龍使劾潛  
案理宗使應龍劾吳潛則應龍必臺諫也傳不言除某  
官而遽言朝受命所受者何命乎此必有脫文據丁  
大全傳稱監察御史劉應龍

德祐元年遷兵部尙書實章開直學士知贛州兼江西  
兵馬鈐轄青海節度使案贛州守例兼江西兵馬  
鈐轄若節度使非文臣應得必有誤矣節鎮兼青海

軍當是清海之謠此猶傳寫偶誤要之應龍斷不授節度使也

道學傳

張載 賜諡曰明公 趙希弁讀書附志云嘉定中有旨賜諡禮官議諡曰達或者不以爲然改諡曰誠或者又以諡法至誠感神爲疑久之乃諡曰獻與傳不合

儒林傳

李之才 此傳全取晁說之所作傳文載趙與如青社當云青州乃合史法

卒於懷州官舍 案晁傳本云卒於懷州守舍蓋其時  
尹源方守懷州之才訪之遂卒於源解曰史改佗官  
舍則之才未嘗官懷也史家無學纔改一字便誤  
時尹洙兄漸守懷 尹源字子漸史別於文苑傳晁傳  
稱尹子漸者蓋舉其字史誤以漸爲名刪去子字何  
不檢文苑傳邪

林之奇 紫微舍人呂本中入閩 紫微古官名不可  
施於宋代當云中書舍人

陳傅良 去朝四十季至是而歸 據葉適所撰傅良  
墓誌四十季當佗十四季攷傅良以乾道八年登弟

其爲太學錄當在淳熙間至光宗朝不過十餘年  
目

文苑傳

柳開 慕韓愈柳宗元爲文因名尙愈字紹元 案張  
景撰開行狀云名肩愈字紹先此作尙愈誤也開旣  
有志於子厚則字紹元爲是行狀或傳寫之誤

汪藻 尋知徽州逾季徙宣州 案孫觀撰墓誌云紹  
興十一季知泉州移知宣州閱月改鎮江府其在泉  
日間婆國王附送龍腦數百兩爲公壽公卻之或曰  
異國之王因舶商致方物修故事不可卻也乃飭送

公幣一銖不取其枉鎮江歲輸上供米不足數轉運使計倉粟之存者尙負數萬盡局鑰而去軍會不繼官吏憂窘公命破鏹給之貽書使者曰官軍張頤待哺米在廩中而不予之會羣黠飢餓無聊雖錮南山猶有隙也輒以便笥開發老守重得罪不殷辭此兩事史俱失書

程俱 除禮部郎 程瑀撰俱行狀云禮部員外郎史脫員外二字

建炎中爲太常少卿知秀州 案行狀建炎三季復爲著佐郎再遷禮部員外郎除太常少卿臥家力辭

言身補遺卷四  
章四上遂以直祕閣知秀州傳失載辭少卿一節其  
帶直祕閣亦例所當書也

久之除徽猷閣待制 案行狀俱以紹興三季自舍人  
除宮觀四季銓知漳州以病辭改提舉台州崇道觀  
五季復集英殿修撰六季除徽猷閣待制

張嶠 襄陽人 案李心傳繫年錄據曾慥百家詩序  
以爲光化人

隱逸傳

譙定叟滋 案困學記聞載賣醬薛翁事云袁德潔慨  
此滋字當爲慨之譌

夏國傳

元昊凡五娶一曰大遼興平公主二曰宣穆惠文皇后  
沒藏氏生諒祚三曰憲成皇后野力氏四曰妃沒咿  
氏五曰索氏 案李燾長編云曩霄凡七娶一曰米  
母氏舅女也生一子以貌類它人殺之二曰索氏始  
曩霄攻猫牛城傳者以爲戰沒索氏喜曰調音樂及  
曩霄還懼而自殺三曰都羅氏早歿四曰咩迷氏生  
子阿理謀殺曩霄爲臥香乞所告沈于河殺咩迷氏  
五曰野利氏遇乞從女也頗長有智謀曩霄畏之數  
金起雲冠令它人不得冠生三子曰寧明喜方術從

道士路修寧學辟穀氣忤而歿次甯令哥曩霄以貌類已特愛之以爲太子次薛埋早歿後復納沒移皆山女營天都山以居之野利之族宣言吾女嫁二十季止故居而得沒移女乃爲修內曩霄怒會有告遇乞兄弟謀以甯令哥娶婦之夕佗亂曩霄遂族遇乞剛沒凌城逋等三家既而野利氏訴我兄弟無罪見殺曩霄悔恨下令訪遺口得遇乞妻閤於三香家後與之私通野利氏覺之乃出之爲尼號沒藏大師六曰耶律氏七曰沒移氏初欲納爲甯令哥妻曩霄見其美自娶之號爲新皇后甯令哥憤而殺曩霄劓其



鼻而去匿黃蘆訛龐家爲訛龐所殺襲爵遂因鼻創  
死與史全不合

諒祚景宗長子也小字甯令哥 案長編甯令哥乃野  
利氏之子而諒祚爲沒藏氏遺腹子初非一人傳云  
諒祚以慶歷七季二月六日生八季正月方期歲亦  
恐未然元昊子諒祚最幼不得言長子

仁孝在位五十五季改元大慶四季人慶五季天盛二  
十一季乾祐二十四季 案夏諸主改元當中朝何  
季本傳多略而不言獨敘仁孝事云紹興十季改元  
大慶十三季改元人慶十七季改元天盛乾道四季

改元乾祐紹熙四季仁孝俎然則大慶實三季人慶  
實四季乾祐實二十六季唯天盛二十一季不誤耳  
傳所書在位之季較改元之季每多一數蓋并嗣位  
之歲計之

丙戌七月德旺俎 丙戌卽寶慶二季也當云是歲七  
月不當紀于支

三季丁亥秋 亦不當紀于支丁亥二字宜刪

諸史拾遺卷五

嘉定錢大昕

遼史

聖宗紀

開泰九年七月庚戌朔日有食之 案閏攷是年遼閏  
二月宋閏十二月則庚戌乃宋之七月朔於遼當爲  
庚辰朔紀志互異當攷

太平二年五月乙亥朔 當伦己巳

十月癸卯朔 當伦丁酉 李銳曰據朔攷前一季五  
月朔正是乙亥十月朔正是癸卯當是前一季事史

家誤載於此季耳

### 天祚紀

乾統元季初以楊割爲生女直部節度使其俗呼爲太師是歲楊割死傳於兄之子烏雅束束死其弟阿骨打襲案楊割卽金史之盈歌追諡穆宗者也據金史世紀以癸未歲卒卽宋崇寧二季遼乾統三季也此繫於乾統元季誤矣烏雅束以癸巳歲卽世當遼天慶二季而遼紀失書遼金二史同時刊修而不相檢照如此

文武百官冊立大石爲帝以甲辰歲二月五日卽位

案西遼世次紀季惟見於此紀之末它書皆無之今當以遼史爲正紀云大石以甲辰歲自立改元延慶卽宋宣和六季在位二十季而姐則宋紹興十三季癸亥也其妻稱制號感天太后當是紹興十四季甲子稱制七季而卒則宋紹興二十季庚午也大石子夷剌嗣位在紹興二十一季辛未立十三季而姐則宋隆興元季癸未也其妹稱制號承天太后當在宋隆興二季甲申稱制十四季而被殺則宋淳熙四季丁酉也夷剌子直魯古嗣位在宋淳熙五季戊戌立三十四季而爲乃蠻所滅則宋嘉定四季辛未也此

紀又稱大后建號萬里之外雖寡母弱子要繼迭承  
幾九十季以大后在位二十季合之二后二主季數  
恰八十八季然則延慶當有十季併康國十季乃合  
在位二十季之數唯紀於延慶三季建都之後卽云  
改延慶爲康國元季又云康國十季歿似大后在位  
止十二季明人續綱目續通鑑者大率因此致誤曾  
不一檢照後文何也商氏續綱目薛氏王氏續通鑑  
所載歲月俱未足信

仁宗次子直魯古卽位改元天禧在位三十四季時秋  
出獵乃蠻主屈出律以伏兵八千擒之而據其位襲

遼衣冠尊直魯古爲太上皇皇后爲皇太后朝夕問起居以侍終焉直魯古歿遼絕此紀直魯古之歿初不言其年何干支也諸家編年書皆系以辛酉當宋嘉泰元年季不知何據予謂欲知直魯古之亡當先究乃蠻之世系乃蠻與蒙古接壤數相攻擊其事迹略見於元史初不與西遼爲鄰也屈出律者太陽罕之子太陽罕以甲子歲爲元太祖所殺丙寅元兵復征乃蠻擒太陽罕之兄卜魯欲罕而屈出律出奔也兒的石河上戊辰冬元再征屈出律屈出律奔契丹契丹卽西遼戊辰在辛酉後八年其時西遼尙無恙

則謂亾於辛酉者不可信一矣元史太祖四季己巳  
畏吾兒國來歸而已朮阿而忒的斤傳亦云臣于契  
丹歲己巳間太祖興朔方遂殺契丹所置監國等官  
則己巳歲西遼尙存謂亾于辛酉者不可信二矣西  
遼與蒙古未交兵故元史不載直晉古之滅然遼史  
所述三主兩后在位年數分明自甲辰至於國亾計  
八十八年其干支當爲辛未非辛酉也辛未爲元太  
祖之六年正在屈出律奔契丹之後若辛酉歲則屈  
出律之父尙在何由奪西遼而有之謂西遼亾於辛  
酉不可信三矣長春真人西遊記記西遼事頗詳云



自金師破遼大石林牙領眾數千走西北移徙十餘

季方至此地傳國幾百季乃滿失國依大石

謂大石之後即

直魯古也

士馬復振盜據其土既而算端西削其地天兵

至乃滿尋滅算端亦亡其云乃滿即乃蠻也其云失國依大石即屈出律奔契丹事其云士馬復振盜據其土即謂直魯古被擒屈出律襲遼衣冠而據其位也長春西遊親到西遼舊都距西遼之亡僅十餘歲所言必得其實乃蠻失國在元太祖戊辰歲而直魯古之被擒又在其後則謂亡於辛酉不可信四矣聖武親征記屈出律以數人奔契丹王菊兒汗菊兒汗

卽直魯古也遼史太后以甲辰歲二月五日卽位  
葛兒汗子孫蓋世襲其號元史曷思麥里傳初爲西  
遼闊兒汗近侍曰闊曰菊與葛音皆相近曷思麥里  
亦直魯古舊臣元太祖西征率屬迎降從大將哲伯  
爲先鋒攻乃蠻克之斬其主曲出律卽屈出律蓋爲直魯  
古報讎其事當在太祖庚辰歲與戊辰屈出律奔契  
丹相去十有三季或據此文疑屈出律爲元兵所斬  
無奔契丹事者非也知菊兒汗卽直魯古則直魯古  
之失國必在太祖之世謂亡於辛酉不可信五矣諸  
家編年所以誤者由於不信太后在位有二十季而

紀文本有似相矛盾之處既云以甲辰歲卽位改元延慶矣又云延慶三季班師東歸馬行二十日得善地建都城號虎思幹耳朶改延慶爲康國元季又云康國十季殁似大石祇有十二季與在位二十季之文不合旣減大石之季則直襲古之減不得不移前數季矣今案西遊記云大石領眾走西北移徙十餘季方至此地是大石建都之前稱尊號者已十餘季矣因建都而改元又十季而殁豈非在位二十季乎且大石之西奔在保大三季癸卯七月大石旣自立爲王必不稱保大之號次季甲辰二月改元延慶固

其宜也史云明季二月甲午以青牛白馬祭天地祖宗整旅而西蓋卽改元之日旣而兵行萬里乃至尋思干城與忽兒珊大戰敗之駐軍尋思干凡九十日回回國王來降又西至起兒漫文武百官冊立爲帝距甲辰改元之時蓋已久矣改元在前稱帝在後紀以改元稱帝爲一事固非其實諸家書移於乙巳亦出臆撰且自乙巳至辛酉不過七十七年與遼史更繼迭承幾九十季之語不相刺謬乎愚謂大石官爲林牙頗通今古其改元也假興復之名以號召諸部必不遽稱帝也延慶改元當在甲辰之春其時猶未

至西域若稱帝則當于延慶三季蓋用漢昭烈晉元  
帝故事俟天祚凶問至而後百官勸進曰若建都改  
元康國則必在延慶十一季西遊記所謂移徙十餘  
季方至此地者也如是則大石卽位二十季本無可  
疑大石之季定而直魯古之亡必在辛未而不在于  
酉亦決然可信天祚紀雖有乖舛而可信者猶大半

諸家云云則臆決附和之談置之勿論可矣

萬斯同紀元

破云卯律大石延慶元季乙巳康國元季丙午大石  
妻成清元季丙辰大石子夷烈紹興元季壬戌夷烈  
祖崇福元季甲戌夷烈子直魯古天禧元季戊子其  
三十四季辛酉爲乃變所擒與續綱目諸書同違史  
但云大石在位二十季感天太后稱制七季夷烈在  
位十三季承天太后稱制十四季據紀季表則康國

之十季卽咸清之元季咸清之七季卽紹興之元季  
紹興之十三季卽崇禎之元季是三季皆未踰季而  
改元矣而於天禧元季書十二月承天后被殺夷列  
子直魯古立則是承天后稱制實十五季與遼史尤  
不合

### 營衛志

遼始祖涅里立迪輦祖里爲祖午可汗 涅里卽太祖

紀所謂雅里也雅涅聲之譌

### 百官志一

遙輦兀詳穩司 字書無兀字始見於此志又有遙輦

兀都監遙輦兀將軍遙輦兀小將軍皆遙輦兀詳穩  
司之官也又有十二行兀軍各宮分兀軍遙輦兀軍

各部族乂軍羣伎二乂軍又國語解乂轄乂魚名轄  
者管束之義金史百官志諸乂詳穩一員掌守禦邊  
堡有咩乂唐古乂移刺乂木典乂骨典乂失魯乂  
有慈謨典乂胡都乂霞馬乂地理志載詳穩九處曰  
咩乂木典乂骨典乂唐古乂鄂刺乂移典乂蘇木典  
乂胡都乂霞馬乂與百官志略同鄂刺卽移刺蘇木  
典卽慈謨典

慈恐卽  
蘇之譌

唯百官志無失魯有移典目

金史

世紀

康宗烏雅束乾統五年癸未襲節度使

上文穆宗

以癸未歲卒卽宋崇寧二年遼乾統三年也烏雅  
束卒盈歌襲五年當是三年之謫

癸酉康宗卒年五十三 太祖紀作癸巳此云癸酉誤  
康宗烏雅束襲節度使年四十三閱十年年五十三  
卒其年是癸巳非癸酉也

衛紹王紀

大安二年十二月辛酉朔日有食之 案金大安二年  
卽宋嘉定三年也宋史紀志是年六月丁巳朔日食  
初無十二月日食事紀不書六月之食而書于十二  
月己爲謫舛且以次年正月乙酉朔推之此月朔斷



非辛酉也元和李銳疑此朔當在前一季然宋史是月亦不言日食蓋衛紹王一朝記注亡失元王鶚所采摭亦未可盡信也李賡芸曰據天文志在大安元季亦舛誤也

### 哀宗紀

正大四年二月蒲阿牙吾塔復平陽執知府李七斤案李七斤卽元史忠義傳之李守忠也

七年十一月丁未大元進兵曉峯關後文天興二年佗饒豐關完顏合達傳佗饒峯關郭蝦蟆傳佗饒風關實卽一地也

天興元年七月參知政事完顏思烈恆山公武仙鞏昌  
總帥完顏忽斜虎率諸將兵自汝州入援 案此年  
八月又書前儀封令魏璠上言鞏昌帥完顏仲德沈  
毅有遠謀臣請奉命往召不報仲德卽忽斜虎也十  
二月又書鞏昌元帥完顏忽斜虎至自金昌然則七  
月入援者祇完顏思烈武仙二人鞏昌總帥以下九  
字皆衍文

地理志下

鞏州下節度 據完顏仲德傳正大六年移知鞏昌府  
兼行元帥府事是鞏州嘗升鞏昌府而此失書

九公 興定四年庚辰二月封皆兼宣撫使

滄海公王福

滄州經略使統清滄觀州鹽山燕祿東陵東光寧津吳橋將陵阜城諸縣

恆山公武仙

真定經略使統中山真定府沃冀威鎮寧平定州抱犢寨欒城南宮縣

河間公移刺翟家奴

賜姓完顏 河間路招撫使統獻縣安漢州河間肅寧安平武

強饒陽六家莊郎山寨

高陽公張甫

賜姓完顏 中都東路經略使統雄莫霸州高陽信安文安大成保定靜海寶

坻武清安次縣

易水公靖安民

中都西路經略使統涿易安肅保州君氏川季鹿三保河北江磐山寨青

白口朝天寨水谷權谷東安寨

晉陽公郭文振

遼州從宜行河東北路元帥統河東北路元光二年遼州失守徙其軍于

孟州

平陽公胡天伦

平陽招撫使統平陽晉安府隰吉州元光元年降元宣宗以史詠權行平

陽公府事

上黨公張開

賜姓完顏昭義軍節度使統澤潞沁

東莒公燕寧

山東安撫使統益都府路興定五年戰

諸州長官都元帥等

沁州

長官杜豐乙未授

澤州

長官段直甲戌來附

潞州

都元帥任志成寅授子孖襲庚寅死以姪成

太康

都元帥攸興哥成寅授丁亥死以表弟王七

十代己丑死興哥子伦兀台嗣

西京

大同也 雷守劉伯林 守威寧十季 子黑

興中

馬太宗初授平陽宣德等路管軍萬戶 子漢中

義州

節度使都元帥王珣 子榮祖

平陽

知府李守忠丁亥被執戊子弟守賢代 守正

絳州

節度使劉世英庚辰族兄德仁襲丙戌城陷

平遙縣

行平定州事梁瑛戊寅降庚辰授都元帥領

涿易二州

長官趙柔癸酉

中山

李嗣知趙州知州李瑀邢州知州威州知州磁州知

李沼州

知州俱見史天倪傳武貴降在庚辰歲傳書

其季八月仙降是冬貴亦來降

潞州

任存

庚寅九月武園潞州城陷存外十月太宗親征遣萬戶因只吉台與塔思復取潞州以

存姪代領其眾見塔思傳

交城令

覃資榮

弟資用

資用子澄澄弟山

忠義傳六

郭蝦蟆

元史案竺邇傳載金會州守將郭斌卽蝦蟆

也交聘表所載使宋賀正旦生辰諸臣以宋史本紀證之往往姓同名異蓋金人多二名一從本國名一取漢語史家不能悉載耳

元史

太祖紀

十季二月木華黎攻北京金元帥寅荅虎烏古倫以城  
降 案東平王世家佗烏古倫寅荅虎烏古倫者寅  
荅虎之氏非兩人也史臣不辨姓名俱倒其文遂若  
別有一人矣史天祥傳佗北京畱守銀荅忽同知烏  
古倫

冬十月金宣撫蒲鮮萬奴據遼東僭稱天王國號大真  
改元天泰 案次季蒲鮮萬奴降旣而復叛僭號東

夏而東平王世家云癸巳

太宗五季

王與皇子貴由攻完

顏萬奴于遼東平之完顏萬奴金內族也自乙亥歲  
鞏祿據東海號東夏至是凡十九季而滅此萬奴之

氏一以爲蒲鮮一以爲完顏未審孰是木華黎傳載世家同金史  
宣宗紀太宗紀但書平萬奴而不言皇子貴由國王  
佗蒲鮮塔思當據世家補之

### 太宗紀

十五季夏五月克尋思干城 案次季春又云帝攻上  
哈兒薛迷思干等城尋思干卽薛迷思干似乎重出  
予撰攷異時嘗疑其克而又叛今攷長春西游記乃  
知其不然記言乃滿卽乃失國依大石士馬復振盜  
據其土繼而算端西削其地天兵至乃滿尋滅算端  
亦亾然則十五季所克者乃蠻主屈出律篡西遼而



據其地者也既克之後復背蒙古而附算端故次季  
再攻之算端卽算灘回回部長之號亦佗遜丹元遺  
山大丞相劉氏先塋碑車駕征契丹餘族是爲西遼  
歷古續兒國訛夷朶等城戰合只破之遂征遜丹之  
斜迷思卽朶米思干於普花見拒印度噴木連破其軍二  
十萬與元紀略同其云古續兒國始以西遼主世襲  
菊兒汗之號續菊音相近而譌夷朶卽遼史之幹  
朶乎屈出律篡國未久人懷反側故取之甚易回回  
則世守其地部落衆多非旦夕可以成功西游記又  
云朶米思干大城大石有國時名爲河中府其實尋

思于薛迷思于卯米思干一也

六季秋七月以胡土虎邯顏爲中州斡事官 案次季  
春遣皇子曲出及胡土虎伐宋胡土虎又佗忽篤華  
石抹明安傳云次子忽篤華太宗時爲金紫光祿大  
夫燕京等處行尙書省事兼蒙古漢軍都元帥不云  
爲中州斡事官者史之脫漏也石抹氏自明安至咸  
得不相繼爲燕京行省胡土虎蓋承其兄職及金亡  
之後又令斡事中州括中原人戶當在其時矣鐵邁  
赤傳又佗忽都其實胡土虎忽都虎忽篤華忽都一  
人也石高山傳云父忽魯虎從太祖定中原太宗賜

以東昌廣東四千餘戶而食貨志忽都虎官人王子  
季查認過廣平等處四千戶似卽一人豈石高山  
石抹明安之後史誤仞石抹氏爲石氏耶

八季命應州郭勝鈞州李求魯九經鄧州趙祥從曲出  
充先鋒伐宋 案趙范之失襄陽始於趙祥以鄧州  
叛而宋史諱而不書此紀亦不詳載祥降附本末今  
據姚燧所撰鄧州長官趙公神道碑云祥字天麟其  
先居代之繁時金末去其鄉三徙爲蔡之平與人天  
興播蔡倡義兵數千爲帥甲午金亡將麾下步騎數  
千入宋時襄陽開制閫授信效左軍統制後制閫

降將多叵測謾爲受犒欲盡阮之大將江海諫曰人  
窮來歸誅之不義又吾閩所節度四十五軍半北人  
今此加誅則吾軍北人各有異心矣漢北之州鄧爲  
近去吾閩程再日耳棄彼虛棄未戍盍遣是獸先之  
在彼有生降之德在我有復地之利一舉而得兩者  
也闢然之別遣路鈴呼延實將若干人爲監來戍至  
則與實不相得軍士譁諫皆言制閩不足爲盡力明  
季乙未十月大兵略地漢上集將佐南門公抱劔前  
曰始吾入宋求活吾麾下數千人與若妻孥而制閩  
欲以計戢之今幸出戍又令別將監之一旦誣陷上

罪無噍類矣誠不忍與若膾脯寇手心歸大朝後應  
者斬統領徐海持不可立斷其首一軍皆呼并受命  
馳造實營執以請盟令呼宋兵投伏釋甲具車馬歸  
之襄陽乃開門迎元兵居再月太子南征還過教以  
是城甚近襄陽力孤不能自完與均唐三州民徙洛  
陽之西三縣鄧治長水均治永寧唐治福昌明年丙  
申襄樊亦徙洛陽其季入覲特賜金符錦衣許出戰  
督軍入守字民辛丑授鄧州長官奏以弟將州兵是  
州兵民始分後十二季癸丑史忠武公經略河南始  
屯田漢上盡遷徙鄧均唐襄樊五州民實南公始復

鄧時宋已築襄樊均皆設重兵三州民遷者無幾  
歸襄樊僑治州北均僑治西皆倚公爲援丙辰乞骸  
骨不報明季疾卒季六十有一所述背宋歸元事極  
分明漢上五州移徙事又可補地理志之漏略

九季丁酉春獵于揭揭察哈之澤 夏四月築埽鄰城

佗迦堅茶寒殿 案揭揭察哈卽迦堅茶寒也譯音  
無定字史家不能攷正後世遂以爲兩地矣地理志  
迦堅茶寒殿在和林北七十里

## 仁宗紀二

延祐六年二月特授僧從吉祥榮祿大夫大司空加榮

祿大夫大司徒僧文吉祥開府儀同三司 余初未  
解吉祥之名後閱釋藏有至元法寶勘同總錄十卷  
奉詔編修者爲順德府開元寺佛日光教大師沙門  
慶吉祥平灤路水巖寺傳法輔教大師沙門恩吉祥  
執筆者爲大寶集寺傳法潮音妙辨大師沙門海吉  
祥眞定府興化寺傳法通元大師沙門溫吉祥校勘  
者爲大都大憫忠寺傳法通辨大師沙門瑞吉祥大  
都大昊天寺傳法元悟大師沙門習吉祥上都黃梅  
寺住持通慧大師沙門溫吉祥大都宏法寺通顯密  
二教演秘大師沙門敬吉祥大衆國寺監壇大德

融崇教大師沙門演吉祥大聖壽萬安寺臨壇大德  
崇教大師沙門應吉祥校證者濟寧路金山寺妙辨  
通義大師沙門慶吉祥證義者大聖壽萬安寺傳大  
乘戒臨壇大德沙門理吉祥宣授江淮釋教都總攝  
扶宗宏教大師釋行吉祥聖壽萬安寺都總統佛覺  
普安大師沙門揀吉祥宣授諸路釋教都總統道通  
眞智大禪師昭吉祥乃知元時以吉祥爲僧之美號  
錄內所稱演吉祥名定演趙子昂爲撰碑者也

明宗紀

明宗聖獻景孝皇帝諱和世球 元典章載延祐四季



正月初十日詔云朕仰惟太祖皇帝聖訓若曰應天  
順人惟以至誠保安天下宜遵正道重念列聖繼承  
丕祚我世祖皇帝混一之初顧予菲德懼弗克荷不  
遑寧處比者忽失刺季屬幼弱聽信愉人阿思罕等  
謀爲不軌構亂我家已爲行省行臺管軍官等將叛  
賊阿思罕教化徹里哥思等斬首以徇其同謀及脅  
從者欲盡加誅有所不忍宜推曠蕩之恩開以自新  
之路可大赦天下自延祐四年正月初十日昧爽以  
前除殺祖父母父母不赦外其餘常赦所不原者罪  
無輕重咸赦除之若有避罪逃從逆黨或竄匿民間

及嘯聚山林者赦書到日限一百日內許令出首與免本罪限內不首復罪如初於戲赦過宥罪惟期反側之安發政施仁聿底隆平之治設以赦前事相告言者以其罪罪之咨爾有眾體予至懷此詔所稱忽失刺者卽明宗名和世疎之異文也仁宗紀不載此詔蓋天歷以後史官諱而削之仁宗受位於其兄乃不立兄子而立其子固有愧宋穆公之讓而明宗出鎮雲南卽於途中興兵犯闕其罪尤難掩今錄元典章所載此詔以補本紀之闕

明宗紀載同謀諸臣無微里哥思名

且著

明宗之罪

順帝紀十

殂于應昌 案順帝殂太子愛猷識理達臘嗣位上廟  
號曰惠宗明季改元宣光立入季而殂子脫古思帖  
木兒嗣位上廟號曰昭宗改元天光立十季爲其下  
也速迭兒所弑實明洪武二十一年也又五傳至坤  
帖木兒皆被弑族人鬼立赤孛立去國號稱可汗從  
其舊俗明史成祖紀永樂六年諭本雅失里曰自元  
運旣訖順帝後愛猷識理達臘至坤帖木兒凡六傳  
瞬息之間未間一人善終者蓋脫古思帖木兒之後  
坤帖木兒之前尙有三四傳其名不可攷矣明太祖

紀洪武二十二季也速迭兒弑其主脫古思帖木兒而立坤帖木兒與成祖紀外國傳小異

地理志一

保安州 金爲興德府 金志佗德興府后高山傳亦云德興府人此志偵倒耳

興和路 咸寧下元初隸宣德府中統三季來屬 破金志撫州有威寧縣承安二季以撫州新城鎮置元之興和路卽金撫州則咸寧乃威寧之譌信矣劉伯林傳金末爲威寧防城千戶卽此縣也

濟寧路唐麟州周於此置濟州 案元之濟寧路治鉅

野縣在唐則爲鄆州之鉅野縣目唐志雖云武德四  
季以縣置麟州五季州廢然唐有國三百季其稱麟  
州者僅一季豈可以此槩一代乎宋承後周之舊濟  
州眞治鉅野矣乃置之不道又何說也

濟州 唐以前爲濟北郡治單父唐初爲濟州又爲濟  
陽郡仍改濟州周瀕濟水立濟州宋因之 案此條  
尤可怪異夫元之濟州治任城唐之濟州則治盧卽  
隋之濟北郡也元和以後省濟州以盧縣隸鄆州自  
是無濟州之稱矣後周始于鉅野立濟州盧與鉅野  
邈不相涉豈可溷而爲一周瀕濟水立濟州二句當

書于濟寧路亦不當在此條也唐以前濟北郡治單父不知何據攷太平寰宇記單州單父縣後魏嘗置北濟陰郡或因是誤仞爲濟北郡邪

### 祭祀志五

成宗大德二年二月加封東鎮沂山爲元德東安王南鎮會稽山爲昭德順德王西鎮吳山爲成德永靖王北鎮醫巫閭山爲貞德廣寧王中鎮霍山爲崇德應靈王 案成宗紀載此事於是年三月又失載中鎮封號何元錫曰今山東臨朐縣東鎮廟有石刻加封五鎮制詞與祭祀志正合可證本紀之脫漏

選舉志一

御試三月初七日 案元統元年春順帝尚未卽位是  
年廷試進士同同李齊等雖載於志而未詳試期頃  
得是年進士錄讀之乃知廷試在九月三日此可補  
史文之闕

食貨志三

也可太傅 案邪律禿花傳拜太傅總領也可那延封  
漢國公卽志所稱也可太傅也蒙古語大爲也可凡  
官名也可者第一之稱此志有也可太傅又有也可  
怯薛職官志有也可札魯忽赤皆取第一義

兵志一

中統三年三月詔眞定彰德邠州洛磁東平大名平陽  
太原衛輝懷孟等路各處有舊屬按札兒孛羅笑乃  
朮闊闊不花不里合拔都兒等官所管撲馬赤軍人

案闊闊不花傳云歲庚寅

當是庚辰

太祖命太師木華

黎伐金分撲馬赤爲五部各置將一人闊闊不花爲  
五部前鋒都元帥歲丙申太宗命五部將分鎮中原  
闊闊不花鎮益都濟南按察兒鎮平陽太原孛羅鎮  
眞定尙乃台鎮大名怯烈台鎮東平又石高山傳云  
昔太祖皇帝所集按察兒孛羅窟里台孛羅海拔都



闊闊不花五部揆馬赤軍金亾之後散居牧地每多  
有入民籍者是五部將之名唯孛羅闊闊不花三人  
志傳無異文按察兒卽按札兒尙乃台卽笑乃朮怯  
烈台卽窟里台不里合拔都兒卽孛羅海拔都或有  
尙乃台而無不里合或有怯烈台而無孛羅海似當  
以兵志爲正蓋尙乃台本禿伯怯烈氏故又有怯烈  
台之稱或稱尙乃台或稱怯烈台其實卽一人耳史  
家疑孛羅海與孛羅爲重出故闊闊不花傳誤分怯  
烈台以當五人之數今依兵志他不里合則犁然有  
別矣

兵志二

太祖功臣博爾忽博爾朮木華黎赤老溫號掇里班曲  
律猶言四傑也太祖命其世領怯薛之長怯薛者猶  
言番直宿衛也凡宿衛每三日而一更申酉戌日博  
爾忽領之爲第一怯薛卽也可怯薛博爾忽早絕太  
祖命以別速部代之而非四傑功臣之類故太祖以  
自名領之其云也可者言天子自領之也亥子丑者  
博爾朮領之爲第二怯薛寅卯辰日木華黎領之爲  
第三怯薛巳午未日以赤老溫領之爲第四怯薛赤  
老溫後絕其後怯薛常以右丞相領之 案食貨志

歲賜篇有也可怯薛有忽都荅兒怯薛有帖古迭兒  
怯薛有月赤察兒怯薛此至元二十一季事月赤察  
兒者博爾忽之後絕而又繼然其次已在弟四忽都  
荅兒帖古迭兒則不知何人之後矣

宗室世系表

睿宗皇帝十一子 次六旭烈兀大王 案旭烈兀大  
王一佺煦烈以憲宗王子歲受命討西域癸丑至木  
乃今國下其城百廿丙辰破乞都卜城丁巳破兀里  
兒城乞石迷國來降得三百餘城又西至大房下其  
城百八十五戊午命將西渡海收富浪西南至石羅

子賓鐵皆降之己未破兀林降其城百廿又西南至  
乞里灣降之西城平遣使告捷而憲宗崩遂畱鎮其  
地至元辨僞錄云今煦烈大王皇帝親弟鎮守西域  
在尋思干西南雪山之西使命往還來往不絕

靖遠王合贊 合贊者旭烈兀大王之孫至元二十七  
年封黃潛撰海運千戶楊君基誌云君諱樞大德五  
年君年甫十九致用院碑以官本船浮海至西洋遇  
親王合贊所遣使臣那懷等如京師遂載之以來那  
懷等朝貢事畢請仍以君護送西還丞相哈剌哈孫  
如其請奏授君海運副千戶佩金符與俱行以八年

發京師十一季乃至其登陸處云忽魯模思云是役也君往來長風巨浪中歷五星霜凡舟楫糗糧物器之須一出于君不煩有司旣又用私錢市其土物白馬黑犬琥珀蒲萄酒蕃鹽之屬以進案元史成宗紀大德八年七月諸王合贊遣使來貢珍物卽其事也地理志西北地附錄有云忽里模子者卽忽魯模思之轉也

巴而朮阿而忒的斤傳

與者必那漢征罕勉力鎖潭回回諸國 案後又云還鎮火州屯于州南哈密力之地又案元典章延祐六

季四月欽奉聖旨節該如今亦都護爲頭畏吾兒的  
斤帖林爲頭哈迷里除致傷人命姦盜公事交管民  
官歸問者其餘軍帖差發不揀甚麼合對問公事有  
呵朶歹等都護府官人每等者管民官休侵犯者外  
據畏吾兒哈迷里每自己其間裏公事有呵委付來  
的頭目斷者若與百姓每有相爭的公事呵委付來  
的頭目每與各城子裏官人每一同歸斷者若無畏  
吾兒哈迷里頭目每呵管民官依例斷者蓋罕勉力  
哈密力哈迷里一也卽今之哈密元典章所云的斤  
帖林乃哈迷里之部長

布智兒傳

憲宗以布智兒爲大都行天下諸路也可札魯忽案  
憲宗紀以身老瓦赤不只兒等充燕京等處行尙書  
省事世祖紀憲宗令斷事官身老瓦赤與不只兒等  
總天下財賦于燕所云不只兒卽布智兒大都卽燕  
京札魯忽赤卽斷事官見職官志昔里鈐部月乃合布魯  
海牙等三傳又作卜只兒譯音無定字也

月合乃傳

月合乃字正卿傳不言有二名案元好問恆州刺史  
馬公卽馬碑云子男三人長三達次鐸刺次福海

知孰爲月合方

其先屬雍古部徙居臨洮之狄道 案元好問馬公碑  
馬公名慶祥卽月乃合之父昔里吉思也其述世系  
云出于花門貴族宣政之季與種人居臨洮之狄道  
蓋已莫知所從來矣金兵略地陝右盡室遷遼東因  
家焉太宗嘗出獵恍惚間見金人挾日而行心悸不  
定莫設仰視因罷獵而還轍以所見者物色訪求  
或言上所見殆佛陀變現而遼東無塔廟尊像不可  
得唯回鶻人梵唄之所有之因取畫像進之眞與上  
所見者合上歡喜讚歎爲佗福田以應之凡種人之



在臧獲者賞爲平民賜錢幣縱遣之然則雍古部殆  
回鶻之別支乎回鶻卽畏兀兒與回回不同種金史  
馬慶祥傳云先世自西域入居臨洮狄道似誤以回  
鶻爲回回矣

### 劉黑馬傳

太宗卽位始立三萬戶以黑馬爲首重喜史天澤次之  
案王惲撰史忠武公家傳云太宗卽位朝議方選  
三大帥分統漠地兵上素聞公賢以杖屨公及劉黑  
馬蕭札刺居右詔爲萬戶其居左者悉爲千戶又姚  
燧撰卽澤神道碑云國初以二萬戶鎮撫中夏右則

劉伯林

黑馬之父

軍秦左則粘合重山軍燕顧成

謂太宗蓋用漢

書賈諠語

則蓋太尉史忠武公天澤爲真定河間濟南東

平大名五路萬戶於中以王姚所述合于史劉史爾

萬戶竝同若蕭札刺爲石抹也先之子

石抹氏卽蕭氏

與粘

合重山初非同族粘合重山傳中無重喜名重喜別

有傳又不云爲萬戶王姚二君皆習于掌故史家爲

黑馬傳必本諸家狀不知何以互異若此

卽律禿花傳統萬戶

札刺兒劉黑馬史天澤伐金此札刺兒卽蕭札刺也石抹也先傳佗查刺與王惲所稱三萬戶正合

會增立七萬戶仍以黑馬爲首重喜史天澤嚴實等次

之 此七萬戶之名史家止舉其四餘無攷

趙天錫傳

辛巳春歸行臺東平嚴實 據元好問撰千戶趙公神  
道碑天錫以行臺公薦宣授行軍千戶而本傳不載  
蓋以千戶爲不足書耳不知元初萬戶最爲領兵要  
職嚴實雖爲行臺亦在七萬戶之列千戶佩金符較  
之萬戶佩金虎符者僅降一等未可略而不書

劉敬傳

劉敬字有功宣德青魯人 案元好問撰大丞相劉氏  
先塋神道碑云世居宣德縣北鄉之青魯里青魯非  
縣名當刪碑稱字德柔以小字某行豈有功其小字

諱史招通卷五  
三  
歟抑以賜名玉出干爲小字歟

歲壬申太祖師次山西敵時季十二從父母避地德興  
禪房山兵至父母棄敵走大將憐而收養之一日帝  
宴諸將於行營鼓隨之入帝見其貌偉異俾畱宿衛  
碑云甲戌秋師次燕西公季甫十二隨其家人避  
兵德興之禪房山旣而盡室被俘公在一大首領麾  
下一日避役御營犒宴之人什伍爲偶公輒入座其  
食上舉目見之親問姓名及所以來者公跪自陳主  
帥不見卹撫以自存願畱止營中上召主帥名索公  
得之隸中宮帳下與傳不同當以碑爲可信

帝征遼西諸國 遼西當爲西遼之譌碑云車駕征契丹餘族是爲西遼

### 汪澤民傳

黃賊陷徽州時澤民居宣州已而賊來犯宣州江東廉訪使道童雅重澤民日就之詢守禦計城得無虞至正中名道童而見於史者兩人一爲高昌人號石巖山平江路總管累遷江西行省左丞相謚忠烈在列傳一百四十四卷其一卽此傳所載之道童唐兀人字德章自號賀蘭逸人至正十六年宣州城陷澤民遇害史不言道童所終予嘗見江東憲司題名

碑知其氏族碑卽澤民所撰稱爲寧夏中憲大夫公

蓋元時稱西夏人曰唐兀氏寧夏本西夏地也

李賡芸曰

又有道同者字文卿元統元年進士授江州路錄事司達魯花赤又明洪武間有番禺知縣道同史稱其先爲蒙古族道同道童也元人多有是名或以道童爲不雅改爲道同猶醜驢之改爲升閭耳

### 汪世顯傳

金平郡縣望風欵附世顯獨城守及皇子闊端駐兵城下始率眾降皇子曰吾征四方所至皆下汝獨固守何也對曰臣不設背主失節目 史家立傳往往采家傳碑志事迹多文飾不可信如此傳所言則世顯是袁昂馬仙琕之流也乃金史郭蝦蟆傳則稱天興

二季哀宗遷蔡州慮孤城不能保擬遷鞏昌以粘割  
完展爲鞏昌行省三季春正月完展聞蔡已破欲安  
眾心城守以待嗣立者乃遣人稱使者至自蔡有旨  
宣諭綏德州帥汪世顯者亦知蔡凶問且疾完展制  
已欲發矯詔事因以兵圖之然懼蝦蟆威望乃遣使  
約蝦蟆并力破鞏昌使者至蝦蟆謂之曰粘割公奉  
詔爲行省號令孰敢不從今主上受圍於蔡擬遷鞏  
昌我輩旣不能致死赴援又不能叶眾奉迎乃欲攻  
粘割公先廢遷幸之地上至何所歸乎汝帥若欲背  
國家任自爲之何及于我世顯卽攻鞏昌劫殺完展

送欵于大元復遣使者二十餘諭蝦蟆以禍福不從  
是世顯以偏裨戢主帥背主嗜利乃小人之尤者且  
久通欵于蒙古何待闕端兵至始率眾降乎蘇天爵  
名臣事略誤信其家傳書之明初史臣又承天爵之  
誤不加訂正畢尙書沅續通鑑稿成嘗屬予參校因  
爲辨證之

外國傳

高麗 自此以下三卷乃宋禧撰最爲淺率朱錫鬯靜  
志居詩話載其寄宋學士詩云脩史與末役乏才媿  
羣賢強述外國傳荒疎僅成篇觀此詩則荒疎之病



无逸固未嘗自諱也五行志則胡翰撰其序論載文

集中

李廣芸案宋禮字申仲金華人胡翰字无逸餘姚人